



Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: www.sukobinteresabd.ba, e-mail: info@sukobinteresabd.ba
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: www.sukobinteresabd.ba, е-пошта: info@sukobinteresabd.ba

Broj predmeta: KSI-10-04/26

Datum: 13.01.2026. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine, broj: 04/21) Komisija za odlučivanje o sukobu interesa na 142. redovnoj sjednici, održanoj dana 13.01.2026. godine, donosi

GODIŠNJI PLAN PROVJERE IMOVINSKOG STANJA NOSILACA JAVNE FUNKCIJE U 2026. GODINI

Provjera podataka iz Izvještaja o imovinskom stanju može biti prethodna i redovna shodno članu 23. Zakona o sprečavanju sukoba interesa u institucijama Brčko distrikta BiH.

Prethodna provjera za sve nosioce javne funkcije vrši se pri zaprimanju Izvještaja o imovinskom stanju provjerom ispravnosti formalnih elemenata propisanih članom 23. stav (2) Zakona.

Redovna provjera Izvještaja o imovinskom stanju izvršit će se tokom 2026. godine provjerom tačnosti i potpunosti podataka iz Izvještaja, dostavljenih od strane nosilaca javne funkcije upoređivanjem podataka iz Izvještaja o imovinskom stanju i priloženih dokaza sa prikupljenim podacima od organa i pravnih lica u zemlji i inostranstvu, koji raspolažu informacijama, odnosno organa i pravnih lica, koja vode evidencije o podacima, na sljedeći način:

- Za sve nosioce javne funkcije u svim organima, institucijama, pravnim licima koje osniva Distrikt, pravnim licima kojima je povjereno vršenje javnog ovlaštenja i lice koje je imenovano, odnosno na čiji izbor ili imenovanje saglasnost daje Skupština ili Vlada Brčko distrikta BiH.
- Za novoimenovane nosioce javne funkcije u svim organima, institucijama, pravnim licima koje osniva Distrikt, pravnim licima kojima je povjereno vršenje javnog ovlaštenja i lice koje je imenovano, odnosno na čiji izbor ili imenovanje saglasnost daje Skupština ili Vlada Brčko distrikta BiH
- Za nosioce javne funkcije, koji podnose Izvještaj o imovinskom stanju dvije godine nakon prestanka obavljanja javne funkcije, a čiji Izvještaji o imovinskom stanju za 2025. godinu sadrže podatke drugačijeg sadržaja u odnosu na Izvještaje iz prethodnog perioda (nova imovina auto, štednja i sl.), a da sticanje nije opravdano godišnjim prihodima, nasljeđem, poklonom i slično, odnosno izvorima sredstava iz kojih je kupljena imovina ili raspolagano istom.

Redovnu provjeru podataka obavljat će stručni saradnici za sukob interesa, upoređivanjem upisanih podataka u Izvještaj o imovinskom stanju i priloga sa podacima o

imovini prikupljenim od organa i pravnih lica u zemlji i inostranstvu, koji raspolažu sa informacijama, odnosno organa i pravnih lica, koja vode evidencije o podacima, i to:

Direkcija za finansije, Osnovni sud Brčko distrikta BiH, nadležna Odjeljenja Vlade Brčko distrikta BiH, Centralna banka i poslovne banke, Policija Brčko distrikta BiH i drugi organi i institucije u zemlji i inostranstvu, koji vode evidenciju o podacima, odnosno koji posjeduju relevantne podatke za utvrđivanje postojanja sukoba interesa odnosno povrede odredaba Zakona.

Sve navedene provjere podataka će biti završene u što kraćem mogućem roku i po potrebi pokrenuti postupci o povredi odredaba Zakona o sprečavanju sukoba interesa u institucijama Brčko distrikta BiH, te isti biti okončani najkasnije u roku od 6 (šest) mjeseci od dana pokretanja postupka.

Predsjednik

Komisije za odlučivanje o sukobu interesa



Admira Mujić, dipl. pravnik

Dostaviti:

1. Predsjednik i članovi Komisije(x3)
2. Služba za sukob interesa-Viši stručni saradnici(x3)
3. Internet stranici Komisije,
4. Evidencija i
5. Arhiva.